

BOSNA I HERCEGOVINA
FEDERACIJA BOSNE I HERCEGOVINE
KOMISIJA ZA VRIJEDNOSNE PAPIRE
FEDERACIJE BOSNE I HERCEGOVINE
Broj: 01-14-3-217/19
Sarajevo, 12.02.2019. godine

Komisija za vrijednosne papire Federacije Bosne i Hercegovine, na osnovu člana 17. Zakona o javnim nabavkama („Službeni glasnik BiH“, broj 39/14) i člana 12. stav 1. Statuta Komisije za vrijednosne papire Federacije Bosne i Hercegovine („Službene novine Federacije BiH“, br. 54/99) na 592. sjednici održanoj dana 07.02.2019. godine, d o n o s i

O D L U K U

O PLANU JAVNIH NABAVKI ZA 2019. GODINU

I

Usvaja se Plan nabavki za 2019. godinu Komisije za vrijednosne papire Federacije Bosne i Hercegovine (u daljem tekstu: Komisija) i isti obuhvata nabavku roba, usluga i radova za potrebe Komisije.

II

Tabelarni prikaz Plana nabavki za 2019. godinu sa utvrđenim vrstama i karakteristikama svih roba, usluga i radova koji će biti predmet nabavke sa procijenjenom vrijednosti nabavke (bez PDV-a), vrstom postupka i dinamikom realizacije nabavke čini sastavni dio ove odluke.

III

Komisija zadržava pravo da u slučaju obrazloženog zahtjeva zasnovanog na odredbama Zakona o javnim nabavkama promijeni vrstu postupka i procijenjenu vrijednost nabavke na osnovu obrazloženja zasnovanog na ekonomskim i drugim pokazateljima, kao što su znatnije promjene cijena u odnosu na cijene u vrijeme procjene vrijednosti.

IV

Nabavka roba, usluga i radova se finansira iz ostvarenog prihoda iz redovne djelatnosti Komisije za 2019. godinu i biće predviđena i Finansijskim planom Komisije za 2019. godinu.

V

Odluka o usvajanju Plana nabavki za 2019. godinu objavit će se na službenoj web stranici Komisije u skladu sa članom 17. Zakona o javnim nabavkama.

VI

Plan nabavki može biti izmijenjen ili dopunjen donošenjem odluke o dopuni ili izmjeni plana javnih nabavki za 2019. godinu, ako se ukaže potreba za hitnim i nepredviđenim nabavkama.

VII

Ova odluka stupa na snagu danom donošenja.

O b r a z l o ž e n j e

Zakonom o javnim nabavkama, i to članom 17., propisano je da ugovorni organ može započeti postupak javne nabavke ako je nabavka predviđena u planu nabavki ili kad ugovorni organ donese posebnu odluku o pokretanju postupka javne nabavke.

Imajući u vidu navedeno, a shodno ukazanim potrebama Komisije, za nabavkom roba, usluga i radova, donesena je odluka kao u dispozitivu.

Predsjednik
Komisije za vrijednosne papire
Federacije Bosne i Hercegovine

mr.sc. Hasan Čelam

532. Halic

